

湖北府縣志輯

十國地方志集

同治枝江縣志
同治宜都縣志
光緒歸州志

敘

史記楚世家姓芊氏居丹陽丹陽楚說成聚訟然要不得謂枝江非丹陽丹陽非楚都也蓋楚之建國遠矣枝江之在楚重矣長江自此枝分九十九洲崢嶸爰起直走江津青鳥冢以為扶輿英靈之氣鬱盤磅礴

一
磚成此名區曩者若教蚡冒筆路山林其開闢之迹後世不可考第觀邛明氏所述熊通雄才大略為之臣者如鬪廉鬪伯比鬪祁屈重之屬老謀壯事並翊霸業詳其年代當屬遷郢前去秭歸後然則漢書所謂丹陽聚固風雲所由合豪傑所由興

其時臨武事彘大命授子伐適漢東之國俱于是乎來朝以敝甲而觀政諸侯彼都大有人焉故論楚之先烈莫盛於武王按楚之霸圖宜始於枝江紀載之權輿不是之屬而誰屬與或者謂枝江在春秋為國都重地秦廢封建亦既列為郡縣矣自今日

二

言之特荆南一隅耳士大夫生百世以下而遠徵禱祀則涉於夸以邑乘之微而上溯藩封又疑於僭官非太史體異國書豈容以華袞鈇鉞出自令長之手顧當

休明之朝徵文考獻俱隸一統志中使得淹雅鴻儒如屈平宋玉輩拾遺補闕潤色表

中國地方志集成

湖北府縣志輯 ⑤③

光緒歸州志

同治宜都縣志

同治枝江縣志



江蘇古籍出版社 ● 上海書店 ● 巴蜀書社

章以備輜軒之采藁爾邑生色多矣茲考
舊編所載如人物中之劉虬父子列女中之
鄧曼及接輿妻軾官中之崔黠崔諷兵防
中之趙郡王孝恭孟珙皆未之及其他封爵
古蹟諸志率多闕略豈討論之下矜慎太
過耶抑卷帙浩繁不復博求耶嗟乎紫

三

山白水間上下數千年落、焉祇此數人而
搜尋故事者猶復沙之汰之以為陸通歌鳳
未涉偏隅庾信誅茅無闕下邑若深恐名
流高遯增光梓里者嘗謂纂修之事莫先
於考辨亦莫難於考辨何則考焉不精不
如無考之為愈也辨焉不詳不如無辨之為

得也慨自蕃變頻經棗梨無由壽世荒郊
荆棘中賸碑斷碣剝蝕風霜一二好古之儒
情殷蒐討而耳目所及不傳信而傳疑良深
感喟夫郭公夏五義在闕文亥豕烏焉學
歸刊謬是故能讀典墳始稱良史至於體
裁必謹不容妄事褒譏直筆宜伸非可

四

任情棄取公論不沒人心毀譽難誣直道昔
王子師懼成謗史陳承祚請為佳傳雖事
未可據而口實流傳不可奉為炯戒哉子康
承乏來枝當兵燹之餘繼以大浸慨然訊故
老履遺蹟欲拾劫灰以垂不朽時
上憲札諭亦惟是是亟乃延松滋熊春颿大

令與邑中博物君子發凡起例別類分門自
星野山川以迄風俗物產莫不綜核羣書參
以見聞洪纖備載若夫職官人物發潛德之
光為實行之錄無微辭亦無溢美藝文則
頗有刪逸於時賢較多非敢薄今人疵文雅
蓋琳琅滿目恐致洛陽紙貴且當務為急在

五

彼不在此也自維下車以來望古徘徊非復
喬木故國史遷不作誰知南服有自來盲
左無傳莫述荆尸所由舉然而江山猶是事
實日增取舊志而續之守土之責也丹陽之
說不復贅焉皖江查子康儼生甫撰



序

邑之有志也志邑事即思治邑事其理縣
譜乎周禮誦訓掌道方志以詔觀事康
成注云說四方所識久遠之事以告王觀
博古所識蓋以志考治之良法焉一邑雖
小其中上下數千年事有不易者屢

序

易者易而仍歸不易者前人創之後人因
之革之其廢與得失靡不畢載使往者
不至湮替來者有所決擇則志与治誠
相須也皖江 查蘆蓀以府以名進士
出宰丹陽百廢俱興循聲載道邑既
治矣而謀所以志是邑者屬余襄其事

余非良史才又久鞅掌於簿書錢穀中
蓋形固陋其奚當斯任顧念生平西游
咸秦過岐豐故都訪周先王遺澤及姬
公之所勤施几陳碑斷碣故老遺賢流
傳什一於仟佰者鉅細精粗必攷焉證
諸周禮以考其精意之所存一行作吏

序

二

歷長安甘泉咸陽安康諸邑每下車披
覽舊志見所載山川城郭風俗人物及
切政事之條別類分門各陳體例要不
越周官三百六十外也蒞事之餘有廢
弛者取而更張之酌今準古期有裨於
國計民生雖性戇才拙不合時宜其治之者

固未敢自信而究心於此蓋十餘年矣且
夫作志難作志而即以為治則作者更難
三長之擅無能為役矣捃摭塗抹於事鮮
當心復鄙之以余多肄所誌合諸強仕所
歷竊謂周禮一經宏綱細目燦然布列
純乎政績之全書本此為治即因此定志

序

三

庶志成而治可倣此余弁首之微意亦全
書之大旨也嗟乎半生碌碌管之治秦
者既無寸效今之志丹陽者又不能文經
生泥古鮮通良堪自媿然而官禮非
誤蒼生典章尚存故府因芻蕘之下
詢區區管見以道其生平之所閱歷者

未識有當於萬一否也敢以質之於府
同治五年仲冬松滋熊文瀾書於丹陽
書院之麗澤軒



序

四

舊序

天下郡縣莫不有志用以載山川田賦土俗民風
以及物產人文披覽瞭如所繫亦綦重矣枝江爲
楚受封之始自開邑以來歷一千九百餘年而名
不易其爲縣最古惜舊志無存往事莫考有明關
成柳董周錢諸公先後編輯已盡付劫灰所僅存
者惟

國朝瀛海周公重輯一編又因兵燹之餘殘缺失次
掛一漏萬是有志如無志也官斯邑者文獻無徵

枝江縣志

原序

一

貽譏固陋誰之咎歟廣甯王公乾隆丁巳來宰是
邦以練達之才製蕞爾之邑甫數月政通人和修
舉廢墜見舊志蕪畧慨然有意續修適己未歲浙
西商貽鍾子來遊鍾續學好古浙之名宿也相與
哀輯搜討經六閱月而脫橐爰付棗梨問序於余
余受而詳加披閱凡枝邑之山川田賦不啻劃沙
印泥也枝邑之土俗民風一若家至戶到也枝邑
之物產人文亦有足取而可法可傳也向之殘缺
失次者今已秩然井然向之掛一漏萬者今且純

備無遺憾也是王公之大有造於枝也以茲狐腋較彼魚頭直欲自居百尺樓上推倒一時名士豈計上下牀哉噫前歲石首張公重修石邑志成索序於余余以舊會宰石欲修之而未逮猶得樂觀其成故序以志之今枝邑之成斯志也余忝作郡藉以廁名簡端且以嘉荆屬吏治之優裕文才之炳蔚余亦與有榮施焉遂不辭而爲之序乾隆五年歲在庚申知荊州府事長洲鄧士燦撰

枝江縣志

原序

二

舊序

縣令下車掾曹必以邑志呈閱洎乎晉謁上官亦以茲充羔鴈焉甚矣邑志之重也伊古迄今州邑之乘汗牛充棟而所傳於後世爲不刊之典籍者不過盛宏之荊州記常璩之華陽志陸機之洛陽志虞預之會稽典錄數部而已其故何也橫言之則數十百里土俗民風非身歷者不知豎言之則數千百年沿革興亡非博採者不括而且有其才無其學不可以作有其學無其才不可以作有其

枝江縣志

原序

三

才有其學而無其識亦不可以作卽三長具備而拘於情面闕於請托洵忍依違而不能直筆者尤不可以作久矣作志之難也予不敏早隨鄉賦旋試鉛刀奔走秦楚間二十餘年簿書期會日不暇給其於撰述之家無能爲役况敢登作者堂而弄斧班門乎但念枝雖巖邑建置最久溯其入傳之始魯桓公十三年楚屈瑕伐羅杜註傳羅卽今枝江地也歷周秦漢晉以迄

國朝定鼎郡邑之名紛紛改易而枝江數千百年如

故其爲名區諒非虛譽自應誌載詳明考據典核以成一邑之鉅觀矣乃秉燭夜覽殊未恆心訪之老吏具云從前舊志世遠年湮不可復考是編乃昔令瀛海周公所重輯者距今七十餘年又經吳逆犯順盤踞此間卽一邑而隔江分治及其鼠竄焚掠無遺今所存誌劫燒之餘也夫何足怪予因慨然有志續貂乃忘其固陋謀諸邑之故老而搜討舊聞博求軼事近參府志遠證史書雖擇焉不精語焉不詳斷鶴膝而續鳧脛未免滋愧而矢公

枝江縣志

原序

四

矢慎願爲楊子雲之謝絕附名而不爲陳承祚之妄立佳傳則余可自信而亦閤邑諸君子之所可共信也夫乾隆五年庚申正月知枝江縣事廣甯王世爵撰

舊序

枝江楚開基地也周革殷命興滅繼絕大封勳賢後裔以鬻熊爲文王師訪其曾孫熊繹得之荆蠻胙以子男之田而宅諸丹陽卽今枝江縣也越十七代而楚武熊通始大奄有江漢又一世而楚文熊賁始遷於郢以舊所居地爲邑仍其故名而未

枝江縣志

原序

五

之有條枚焉故曰枝江開邑以來至今一千九百餘年而枝江之名不改其爲縣也古矣俯仰今昔幾歷滄桑其閉陰陽之災沴兵革之蹂焚田賦之遞增遞減戶口之時盛時衰忠臣孝子義夫節婦之懿踪遷客騷人儒流方外之韻事與夫陳碑古碣廢塚荒陵兩漢三唐六朝五代之藝文人物土俗民風當時定有記載而後世無傳者何也人亦有言世無潘岳則關中之誌不傳無羅含則湘中之記不作無陳壽周稱則益部先賢陳留耆舊諸

書不顯蓋惟博雅之士好古徵今一鄉一國莫不
殫見洽聞輯諸簡編懸之國門傳之奕世而茲者
葢爾偏隅文獻無徵作者難述者亦難故邑乘蕪
畧而不全也閱有一二撰述之家留心典故各私
記載而所見異詞所聞異詞所傳聞又異詞非陽
五之伴侶卽李老之豁達史遷所謂文不雅馴薦
紳先生難言之者得無類是歲己未余以寄公偶
遊此地宰斯邑者慨然有刪訂舊志之舉余老且
瞽矣不揣固陋共襄厥事感定國迎師之意發世

枝江縣志

原序

六

誠懷舊之思迫欲成書而每以覩聞未廣爲憾諺
曰長袖善舞多財善賈物莫不各有所資以爲用
操鉛槧者亦然徵引不博則事多所遺考訂不詳
則聞多所僞余用是兢兢哀輯舊聞搜討軼事遠
稽百代之典章近訪八都之父老甲朝繕寫丙夜
編摩六閱月而脫橐爰付諸殺青以表章枝邑之
故實焉集千狐之腋以成裘良有苦心不敢期蔡
中郎之閔帳也或亦免陸士衡之覆瓿云爾乾隆
五年歲在庚申浙西退叟鍾彝商貽氏題

舊志徵文小引

蓋聞采風問俗爰馳使命之輶車稽古居今必覈
典章於故府入國至境禁諱須知敷政甯人諮諏
是亟然非詳明志乘何因考訂原由覽三輔黃圖
便知陸機之著作閱會稽典錄誰如虞預之精研
益部先賢傳來陳壽汝南故實輯自周蜚羅含湘
水記聞有體且能有要常璩華陽國志傳信不以
傳疑景純山海之經名高東晉文通赤縣之志譽
溢南齊自古郡邑成書最繫朝廷鉅典而况枝江

枝江縣志

原序

七

巖邑實爲荆土名區熊繹開疆已有丹陽之號宋
家建縣曾傳下沱之名而無如沿革屢經滄桑數
易燒餘兵火卷帙已非全書詢及菑蕘父老曾無
確說登高遠眺千百年之故蹟難尋攤帙旁搜十
七史之陳編罕載諸侯去籍重傷周制之湮文獻
無徵每憶尼山之嘆雖有舊志已同塵飯土羹併
有訛刊半係贗文錯字麻沙俗刻亥豕成羣校對
同文烏焉盈貫縱是前人草創殊非後代典型此
本縣所以一見獲塗願學郢人斲鼻廣收狐腋欲

爲枝邑成裘者也敢佈悃忱通知耆宿山巖水澗
豈無過軸名賢世族巨家應有巾箱雜著若者親
見若者耳聞俱是先朝軼事千伯非多什一非少
均成今代叢言天寶遺聞記自白頭宮女靖康往
事寄來碧血孤臣既自古而皆然豈於今而獨秘
作者不必皆聖有關風土皆收述者敢謂我明可
上志書畢錄相期月內悉彙署中己未夏孟世爵
具稟

舊序

余同年友謝巖麓大令宰枝江之三年諸政畢舉
民吏浹和因念邑志修自乾隆庚申迄今八十有
八載大懼文獻散佚嘉言懿行久而就湮乃進邑
中紳耆因舊志而重輯之網羅逸事蒐採舊聞訂
其舛訛補其闕漏六越月而告成奉其書示余而
屬爲之叙余竊惟邑之有志猶家之有乘國之有
史也家無乘則一族之倫紀渙而不萃國無史則
一代之典章散而無考昔蕭何入秦先收圖籍朱

子爲政下車之日卽取閱志書彼豈爲是緩不及
事之圖哉誠識治體而重乎其本也攷其山川疆
域則可以知四境之險阨五土之物宜焉攷其賦
役兵防則可以知民生之休戚備禦之緩急焉攷
其職官人物則可以知吏治之姦良人材之盛衰
焉而且攷其學校則可以知士習之淳澆而導之
以學攷其風俗則可以知時趨之奢儉而教之以
禮順其勢而利導之因其時而張弛之相其地而
裁劑之不競不隸不剛不柔斯在爲政者之精心

學畫而非有邑志之陳古準今則亦無以相協而酌其中也枝江建邑自漢歷年久遠且環境五百里亦古大國也年久則紀載繁而難於考核地廣則耳目濶而難於周知今皆搜葺無遺紀載有體上焉者利可興害可除下焉者善可勸惡可懲斯固守土者之箴規抑亦此邦士大夫民人之寶鑑也後之觀者可以興矣道光戊子仲夏湖北學政前翰林院編修善化賀熙齡譔

舊序

作者難述者亦難續無才無學無識不敢言作亦不敢言述案牘之暇披閱青谿王公舊志見山川之流峙風俗之淳樸人物之彬彬雅以及典禮賦役井然秩然燦如指掌竊嘆枝雖蕞爾得王青谿之巨手以誌之未始不可與盛宏之荊州志同歸不刊惟自乾隆庚申迄今八十餘年其閱忠孝節義可以媲美前賢範後世者豈曰無人而舊志不經續修採訪未之徧及奇節卓行久而就湮既無以發

潛德又無以勸善心咎將誰歸夫匹夫匹婦爲善於鄉聞者莫不歌泣以鄉人間鄉人之善尙興好善之心以宰鄉人者聞鄉人之善而不行彰善之道所謂表厥宅里樹之風聲者惡在乎續宰斯土三歷年矣不揣固陋有志續貂而紛於簿書限於時日又恐折衷鮮當貽譏冗雜爰請邑中孝廉李君輝先選拔楊君有光敖君相周君浚入局分撰取舊志而增減之若疆域若建置若職官選舉諸大端分門別類文簡事該可與康氏武功志韓氏

朝邑志同見稱於王阮亭者諸君數月之功而績不與焉績惟於八十餘年中之忠孝節義擇其名實兼至者分類續入以發潛德以勸善心是則續重修枝江志之心也著述云乎哉道光八年歲在戊子仲夏知枝江縣事蒲坂謝丕績撰

枝江縣志

原序

士

舊序

志猶史也非兼三長不能作恃三長亦不能作華而疏不若質而賅也枝邑建自漢歷年多紀載繁明以前盡佚存乾隆五年一志青谿王公所重編也迄今八十有八年矣事積久而將湮校訂補輯非後賢責歟邑侯謝嶷麓先生以名進士莅茲土實心爲政不沽名言訥訥不輕出諸口遇事燭照犀剖每聽訟環階下觀者數百人懲姦獎善咸惻服無間言性儉無重肉華飾事關民瘼弗稍吝捐

枝江縣志

原序

士

俸倡修下百里暨各洲堤水患以紓尤留心士習月肩生童課之面評甲乙勉以讀書立品信乎公盡心於今日士民者至矣而數十年以前人物節孝未經表章公心未慊也慨然有修志之舉設館授粲謬以相等司分校未學謏陋何能贊一詞聊於舊志刪繁訂訛期歸簡當新增悉聽親裁示公也六越月告成付諸梨棗爰綴數語俾知八十八年事不致湮沒不彰者公之力也是爲序嘉慶癸酉科拔貢敖相海門氏撰

舊志採訪啟

丹陽古聚白水各村江派枝分來自瞿塘巫峽山
靈屏列圍將畫扇繡林飲馬池邊英風宛在更衣
嶺上紫氣常騰此勝地所以必傳而通都不可無
乘也僕十載績文一經勵志榮叨鸚薦攀桂萼於
三秋幸附鵬搏看杏花於二月恭膺

簡命出宰名區當年稽古讀書會期遠志此日入官服
政敢負初懷雖問俗觀風猶待輪軒之太史而徵
文考獻聿資探討之郎官試檢陳編爰接軼事九

枝江縣志

原序

古

十九洲之輿圖如故八十七載之紀錄無聞責有
攸歸情何能已抒片言以引玉不棄芻蕘盼椽筆
以鏗金端憑耆宿或如董家父子勲業著於旂常
或如徐氏祖孫河山盟於帶礪或各登桂籍淡墨
可書或文列瑤林鉛槧是錄或家庭可比於荀龍
薛鳳或閨壺無慙於柏節松筠或本本源源可註
水經山志或聞聞見見能談斷碣殘碑諒久邀月
旦之評亦夙著鄉媛之業探囊得寶莫或吝焉集
腋成裘庶其炳爾嗟乎尋庾子山之臺榭蘭芷遺

馨挹周茂叔之風流芙蓉出水他時不寂賴生江
夢之花此邦可懷願織蘇機之錦毋使記歲時於
荆楚尺璧徒誇將弁傳者舊於襄陽寸珠可採用
攄鄙悃敢布同心道光丁亥孟冬崑麓謝丕積具
稟

枝江縣志

原序

古

枝江縣志凡例

一志體最嫌門類繁多今立總目十統括諸類以便

省覽

一舊志義存旌別論者或以為任意軒輊是編第綴其事之顛末佞諛苛刻兩有不居懼失實也

一言邑事者只言邑事其事涉統部務為麥言希圖粉飾非縣志體也概不收入

一引用省志府志及邑前志俱註明錄某志其創為者則以今字別之

枝江縣志

凡例志

一舊志有一事分為兩事者茲仍合為一事以省繁文

一舊志有叙事冗長字句重複者不揣固陋謬加節省其有增補者必註明出某書

一舊志有兩說互見稊稜不定今求其有可考據者折衷一是否則仍其原說兩存之以待參稽不敢臆斷也

臆斷也

一舊志有編有舊志訂誤已經註明更正者茲從舊志更正不另註

一翼軫分野或統全楚之或統荊州言之非獨枝

括之

一舊志沿革表併縣格內本為枝江併入他縣乃遂以他縣名標於格首竟似他縣併入枝江文義例置今悉正之

以昭畫一

一舊志有以地名載入古蹟門中究於古蹟無取茲

枝江縣志

凡例志

亦彙入疆域山川以示一律

一物產有最切於日用者如農桑兩事民依所繫即遐邇同風宜先本業爰以菽粟布帛冠於首其為枝江特產者亦列簡端見氤氳有獨鍾餘不備載

一風俗取其較異於他屬者詳列於前其為荆楚歲時記中所載七屬從同悉歸簡括

一選舉首科目次軍功功次例貢監次吏員次封職封

職內亦首科目次軍功功次援例出仕次援例職銜下俱註明子弟任其或援例某銜不得以子貴弟

貴統書軍功必身在戎行擒渠奪隘名實相稱否則亦必於糧台文案抽釐勸捐有功軍需議叙有官保舉有案者謂之軍功今以出征出仕議叙保舉分別錄之此外不濫入

一選舉有舊志已闕疑者有今志未經查明者俱照舊闕疑

一舊志選舉內有枝江人而寄籍他省他縣中會者鍾靈有地亦擢秀有方只宜列入本邑人物門中其選舉門茲不復入

枝江縣志

凡例志

三

一職官選舉見於人物傳中者於職官選舉下註明有傳

一人生操守蓋棺論定有聲名藉甚當時沒後被人指摘者茲編所撰記止及古人存者不與

一列女婦首賢明次節婦次孝婦壽婦殿以烈婦女

首貞女烈女次之蓋烈主一時貞觀終身未可同

日語矣其孝婦亦只列王謝志所已載註明以上

載舊志今不續以節可考而孝不可考節有形而

孝無形書節循定例書孝無盡境也至割股一事

雖有形而可考然已失全受全歸之道且究於何考也今亦不續

一節婦有已旌有未旌已旌者以奉部文爲憑不得以由學申報及有司獎額者卽作已旌然核與例符待旌一也其有未詳報而身故或生存而未詳報合例者均可旌亦必註明夫亡時年若干現年若干或卒年若干嚴限制亦昭冰雪也

一表揚節婦語期簡括多則恐有不實首書某氏某妻不得書某妻某氏上書父名爲某女不得遠引

枝江縣志

凡例志

四

高曾伯叔爲某孫女某姪女下書子名日子某不得窮及雲初曰孫某曾孫某非不與人爲善篇幅太隘不能人贈一序識者諒之

一編所載節婦俱係合例待旌之婦其在學呈報未經結轉者亦附節婦之列併案待旌

一藝文自有明以前屢經詳核未可輕刪其爲有明以後經舊志採入亦必於地方掌故辨難折衷存以備考若陰風弄月流連光景之詞盡從割愛

一舊志藝文載工部人日詩查工部集此詩編在下

峽白水紫山爲峽地王謝二志採入有過枝江三字又載周毓所山水記亦引雲隨白水落風振紫山悲乏句相沿已久姑存之

一是編有舊志徵引誤入者如白鹿見枝江宋書符瑞志無此事又楚丹陽非吳丹陽如芙蓉樓送辛漸樓在鎮江府城西北隅乃王龍標送辛漸處此類從芟

一雜志所錄軼事雖爲稗官小說概從纂掇亦志體也

枝江縣志

凡例志

五

一枝江從都爲武爲文不一其說楚武僭號其國始大文繼武者也謂從枝而復徙郢一時亦無兩徙茲從路史以武爲斷

枝江縣志目錄

卷首

輿圖 縣疆域圖 縣文廟圖 縣武廟圖 縣書院圖 縣官廨圖 縣試院圖 縣八景圖 縣城池圖 文昌宮圖

卷一

地理上 分野 沿革

卷二

地理中 疆域 山川 古蹟 塚墓附 八景附

卷三

枝江縣志

卷首 目錄

一

地理下 隄防 堰埭附 津梁 道路

卷四

建置 城池 公署 營汛 倉廩 有祀典壇廟 試院 書院 賓館 射圃 義學 社學 坊表附 廢署 廢院 廢墓附

卷五

秩祀 先師廟 關帝廟 文昌宮 社稷壇 先農壇 神祇壇 龍神祠 江神 土地祠 厲壇 民間叢祠附

卷六

賦役上 戶口 田賦 屯餉 雜稅